









ADVIS DE CE
qu'il y a à reformer
en la Cōpagnie des
Iesuites, présenté au
Pape & à la congre-
gation generale, par
le Pere Hernádo de
Mendoça du mes-
me Ordre.

9^e *mième*

*Ensemble plusieurs Lettres des Jndes
Orientales, escrites par des Peres Ie-
suites, & autres de l'Ordre S. Fran-
çois, traduites du Portugais.*

M. DC. XV.

CASE

F

39

.326

1615men

THE NEWSPAPERS
LIBRARY



ADVIS DE CE QVIL

*y a à reformer en la Compagnie des
Iesuites , présenté au Pape & à la
Congregation Generale, par le Pere
Hernando de Mendoza , du mesme
Ordre.*

Que tous les Generaux soient à temps limité & non à vie , & soient esleuz de six ans en six ans , comme il se fait en beaucoup d'autres ordres de religion , afin qu'ils rendent compte de leurs charges, & de ce qu'ils y auront bien ou mal fait, & soiêt par ce moyen contenus en crainte & en deuoir. Car se voyàs perpetuels, & sans obligation de rendre compte, ils deuiennent insolens, & se rendent tyrans absolus & intractables, commettants mille iniustices & griefs, sans que personne les en puisse empescher, comme il se void clairement en cette Compagnie.

Que le General visite toutes ses prouinces, & celles d'Espagne entre autres fort souuent ainsi qu'il y est tenu de droit diuin & humain par tous les Conciles de l'Eglise, & statuts de la Compagnie. Ce que toutefois il n'a iamais fait encores. Dont il arriue que sans voir, ny

entendre les choses comme il fault , ains au contraire s'en rapportant à des relations faul-
ses & mensongeres, ou chimeriques & imagi-
naires, pour en faire apres ce que bon luy sem-
ble , il commet tous les iours mille fautes, in-
iustices & griefs qui ont mis la Compagnie
en l'estat où elle est maintenant, & qui ache-
ueront de la ruiner & perdre du tout, si on n'y
donne ordre.

Pour memedier entieremēt à cela, & à plu-
sieurs autres inconueniens qui se trouuent au
Gouuernement de Rome; Qu'il y ait comme
vn General en Espagne pbur toutes les pro-
uinces d'icelle, & les Indes mesme , ainsi que
le furent le Pere François de Borja du temps
du General Ignace, & Araoz au temps de Lai-
nes : & comme le demanda la Congregation
prouinciale de Castille tout d'vne voix l'an
1590. Et ce afin qu'il puisse visiter souuēt tou-
tes les prouinces de la couronne de Castille.

Que ce Vice-general voye & entende luy-
mesme toutes les necessitez pour y donner le
remede cōuenable, & donne ordre aux griefs
commis par les Prouinciaux, & que d'eux on
aye recours à luy pour les reformer ou demet-
tre si besoing est : en somme qu'il supplée en
tout & par tout l'absence du General qui est si
esloigné , & que tel General Espagnol soit
esleu en congregation tenuë de trois ans en
trois ans à Madrid, afin que luy aussi sortant
de charge rende compte de son administra-
tion: & selon cet ordre soit esleu le plus capa-
ble & le plus homme de bien, afin qu'il ayt

une entiere liberté pour faire sa charge. Car autrement s'il est eleu par le General, il faut qu'il depende de luy en tout & par tout, & suiue sa volonté sans oser aller à l'encontre, & son pouuoir sera tellemēt limité qu'il ne fera autre chose que ce qu'estoiēt les visiteurs des anneés passées. Par tout cela on peut aisément recognoistre que le General estāt si esloigné il est du tout impossible qu'il puisse regir tāt de Prouinces, sans cōmettre mille fautes, & causer plusieurs incōueniēs que l'experience mōstre arriuer en ceste Societé, & aux autres ordres où la meime subordination n'est point. Cōme en la visite que fit le Pere Saluzio en l'ordre des Trinitaires, on recognuist manifestemēt que ceste Religion s'en alloit du tout perduē, faute qu'il n'y auoit point de recours des griefs faicts par les Prouinciaux.

Que les visiteurs ne soient mis ou nōmez par le general qui nōme tousiours ceux qui luy plaist, & ne leur donne pouuoir & commissiō que pour luy faire rapport simplement (ad referendum) & s'entēdent ensemble, de sorte qu'ils font plustost mal que biē, & augmentēt la maladiē plustost qu'ils ny apportēt le remede, comme il s'est veu par experience, en ceux qui dernieremēt ont acheuē leur visite: & au cas qu'il y ayt visiteurs, qu'ils ayēt pouuoir de remedier, & chastier s'il en est besoing.

Que si vn General se trouue estre estrāger, que l'autre d'apres soit Espagnol, ainsi qu'il

s'obserue entre les Peres de S. François: pour ce que toute la compagnie dependant d'un General, quand il est estranger, il ne sçait & n'entend rien des affaires d'Espagne, pour les bien regir & administrer.

Que les assistans qui aydēt au General, soiēt des plus sages & entendus de la compagnie, & qu'ils ayent conjointement avec luy leur voix decisive en l'administration. Car autrement ils ne seruent de rien, & le General fait ce qu'il veut.

Que les Loix de la cōpagnie soient fermes & stables, & non arbitraires en remettant le tout au General & aux superieurs cōme l'on fait. Car nostre Pere Ignace les faisant telles, supposoit que les superieurs deussent auoir vne pureté Angelique & toute autre que celle qu'ils ont maintenant: aussi que comme disent les Philosophes & Iuriconsultes, vne Republique ne peut estre biē ordonnée, quād les loix sōt arbitraires, & se remettēt à la volonté des Iuges: au contraire moins il y aura d'arbitres, & mieux sera elle gouuēnee. Ce qui se recognoist tellement par nostre experience propre, quē si l'on n'y dōne ordre, nostre compagnie plus on ira en auāt sera plus mal regie & gouuēnee. Car chaque iour cōme les hommes deuient imparfaits, il se comettra de plus grādes iniustices & griefs.

Que d'icy en auāt on resoluē la maniere de la congregation Generale toutes & quantes fois qu'il en sera besoin pour remedier & reformer ce qui sera necessaire & conuenable

en la Compagnie, ainsi qu'il est enioint par les statuts. Et que cela se face par determination des Congregations Prouinciales qui la demanderôt, & non à la volôté & discretion du General & des Procureurs qui vôt à Rome, lesquels soit pour crainte & respect, soit par cōplaisance & à cause de leurs pretenfions, & des charges qu'ils esperēt de luy, font tout ce qu'il luy plaist, qui est qu'il ne se tient iamais aucune assemblee Generale, estant aisé à voir que c'est luy seul qui la tiēt, & ne veut iamais en voir autrement, de sorte que iamais il n'assemblera de cōgregation que par force & pour ne pouuoir faire autrement, comme il se voit maintenant par experience.

Que quand on tiendra telle congregation generale, ce ne seroit point ceux que le General voudra ou nōmera qui y aillent: Car ils seront tous ses partisans, & ne s'y fera rien de bien, ains seulement ce sera de grands fraiz, & les choses demeureront en pire estat, & sans esperāce de remede. Car ce que l'on prēdroit pour remede, se conuertiroit en plus grād mal, comme l'on craint de ceste assemblee, si ceux qui y doiuent aller ne sont esleus par les congregations particulieres.

Que l'on donne ordre à ce que la Compagnie soit aquitee de plus de 250. mil escus que doiuent les Prouinces d'Espagne, & dont de la pluspart ils payent rente. Car la seule Prouince de Toleda en doit 70. mil, & celle de Castille la Vieille autant, & tous les iours les debtes & interests vôt augmentāt, ce qui mā-

gè les reuenus & fondations des maisons & Colleges contre l'intention & défenses expresses des fondateurs: & aujourd'huy les debtes & engagemens sont venus à tel point, qu'on ne cherche qu'inuentiōs d'auoir argent par tromperies & autres mauuais moyens, en vexant & chargeant les ames penitentes par mille sortes & manieres de tirer argent, ce qui auilit & prophane les Sacremens que ils vendent ainsi.

Que pour donner remede à vn tel & si vniuersel desordre, on leur enioigne de prendre Messes, Chapelenies, & fondatiōs, au moins iusques à tāt que l'on se soit acquité du tout puis qu'autrement en vn temps si calamiteux & si fascheux où nous sommes, il ne se peut trouuer de meilleur & plus prompt remede que celui-là.

Que dorefnauant on face de bonnes loix & cōstitutiōs, à ce que l'on ne puisse plus reconnoir d'auātage de persōnes que chaque maison ou College en pourra cōmodément nourrir avec les aumosnes & reuenus ordinaires, ainsi que le commandent & ordonnent les anciens Conciles, & nommément celui de Trente, & mesme vn decret de la congregation generale de ceste cōpagnie, que iusques icy on n'a nullemēt obserue: ains au contraire par vne excessiue ambition, insolente, & conuoitise de s'étendre par tout le monde, & se fourrer en tous endroits, on reçoit tous les iours beaucoup plus de personnes qu'il n'est besoing selon les statuts, & que l'on ne peut
nourrir

nourrir. Et de là en sont procedees deux grandes ruines, l'une de tant de debtes, engagemens & necessités: L'autre plus grande encore, de tenir vne telle chourme de subiects, ieunes, inutiles, impertinens & impatfaicts en toutes sortes: ce qui a fait que la compagnie s'est tellement relachee & dementie: D'autant que ceste grande perfection que veulent les status, se trouue en peu de personnes. De sortes qu'il n'y a autre remede à cela que de garder les Conciles, & empescher de n'en receuoir dauantage qu'on n'en puisse nourrir, ou autrement la reception sera nulle, & le subiect incapable de faire iamais vœu ny profession, sur peine au superieur qui le receura, ou consentira qu'on le recoiue, de priuation de sa charge, & de toute voix actiue & passiue.

Que l'on recoiue les subiects avec grande cautelle & circonspection, non à cause des biens & commoditez, mais selon les qualitez requise par les statuts, & que pour vn plus grand remede on ne prenne point de legitimes, ainsi que tât de fois on a souhaité & traité mesme és congregations generales.

Pour le gouuernement.

Que d'autant que les constitutions de la Compagnie sont si parfaites que pour les obseruer & accomplir de point en point, il faudroit vne pureté comme Angelique: ce qui ne se trouue parmy tant de personnes qu'à la Compagnie, & qu'elle recoit tous les iours, & mesme moralement n'y peut estre: On auise à re-

former ces statuts, & à les accommoder à la corruption du temps qui court, & à la foiblesse & imperfection des suiets qui sont & seront par cy apres. Car autrement s'ils demeurent tels qu'ils sont on ne les gardera pas, & on en passe beaucoup: & toutesfois on se vante de tenir la perfection d'iceux, ce qui est plustost dans le liure qu'en leurs personnes: de sorte que autre chose est le statut que l'on professe, & autre chose ce qui se garde & pratique: ce qui est viure sans loy & tromper le monde.

Que tous les superieurs de la Compaignie sortans de leurs charges se soubmettent à en rendre compte. A sçauoir les Recteurs à leurs prouvinciaux, & eux au Commissaire general, & cestuicy à l'Assesseur esleu par la congregation generale, à fin de faire iustice des choses qu'ils pourroient auoir iniustement commises.

Que és congregations generales qui se tiennent de trois ans en trois ans pour remedier aux necessitez des Prouinces, ils ayent voix decisive comme il se pratique en tous les autres Ordres: Car c'est vn abus intolerable qu'une assemblee d'hommes d'aage, doctrine & intelligence de chaque Prouince, & qui ont veu & sçauent mieux les necessitez qu'un general estrange, qui residant à Rome ne les peut entendre que par le rapport d'autrui: que ceux la di-jen'y puissent apporter remede, & n'ayent aucune part & voix que pour representer & proposer ce que le general n'entend pas: De sorte que s'assembler ainsi avec telle de-

fordre & inquietude, s'appelle proprement ietter des parolles en l'air, & enuoyer à Rome vne charge de papiers que l'on iette en vn coin sans s'en soucier.

Qu'aucun ne soit superieur que pour trois ans, & soient suiets autres trois ans pour apprendre à obeyr, qui est vn Gouuernemēt singulier & vlté en plusieurs autres Ordres, & approuué mesme par saint Ambroise, estant intolerable qu'il y ait en vne Cōpagnie vn superieur vingt & trente ans durant, & que tout le Gouuernement d'une Prouince soit entre peu de gens qui se donnent la main l'un à l'autre, & s'entendent avec le General.

Que l'election des superieurs de chaque Prouince se face par la voix de gens Deputez, qui sçachent fort bien les qualitez des esleus, puis le General les confirme. Mais non pas que luy le face par le rapport d'autrui qui souvent est faux, & peut estre trompé à chaque moment, & celuy qui informe, fauorise ordinairement son amy bien qu'incapable, & met en mauuais predicament celuy qui ne l'est pas, encore que d'ailleurs il en soit digne: de sorte que cela cause vne notable acception de personnes.

Que l'on donne ordre que tant de personnes ne sortent point de la compagnie, comme il se fait tous les iours au bout de 20. & 30. ans: de sorte qu'il y en a beaucoup plus dehors que dedans: ce qui scandalise fort le monde, & fait des-honneur à leurs familles, & mesme cause de grands dommages & inconueniens en l'e-

stat. Chose non iamais veüe ny ouye en quel-
qu'autre Ordre de l'Eglise que ce soit.

Que pour vn entier remede à cet abus, tous
facent profession en vn certain temps limité,
comme en toutes les autres Religions, ainsi
que l'ordonnent les Conciles. Et iamais on n'a
veü le temps de la profession arbitraire, pour
les inconueniens & absurditez qui en arriuent
tous les iours en la Compagnie. Et cela est la
plus importante chose qu'il y ait à reformer
suyuant le iugement de tous: Et les Procureurs
de Cour l'ont requis plusieurs fois au Roy Ca-
tholique, qui le leur a promis, comme il appert
en vne requeste imprimée des Estats derniers.
Car par ce seul moyen de ne faire point pro-
fession, le General exerce vne grande tyrannie
sur toute la Compagnie, & particuliers d'icelle
qui n'en osent ouuir la bouche, de peur d'estre
aussi iettez hors comme l'on fait les autres.

Que l'on donne vne honneste occupation
à ceux de la Compagnie, à fin qu'ils ayent suiuet
d'estre plus retirez & employez: Car on voit
comme ils se relaschent grandement aux mi-
nistres, & la plus part sont oisifs, & ne de-
meurent iamais en la maison: de sorte qu'il n'y
a ruë chemin, & visite, où on ne les rencon-
tre, ny affaire dont ils ne s'entremettent: Ce
qui est vne pepiniere de tres-grands inconue-
niens, & qui donne vn grand trauail & im-
portunité aux Conseils & Officiers du Roy
in. fine.

Que toutes ces choses qu'il est besoin de
reformer se trouueront fondees en droit Ci-

uil & Canonique, en Conciles, decretz & és statuts mesme de la société, & és memoires qui sont entre les mains de l'Archidiacre de Toledé, comme entr'autres est l'importance d'un Commissaire general & de faire la profession, & autres choses semblables. Et seroit expedient que le tout fut enuoyé à Rome à Don Iuan deHoces qui les entendra fort bien pour en informer sa Sainteté.

Que ceux de la Compagnie ne soient pas seuls à enseigner la Grammaire, mais qu'é chaque ville où y a escholes, on donne bons gages à autres precepteurs seculiers, ou bien que l'on face subir l'examen à ceux de la Compagnie, la plus-part estant si ignorans que l'on leur peut mettre l'a, b, c, en main pour apprendre. De sorte que la langue Latine commence à se perdre en Espagne, & avec elle les sciences, & y introduisent vne barbarie semblable à celle du temps des Gots,

Pour les Confessions.

C'est affaire est de tres grande importance. Car pour y auoir des pechez reseruez aux superieurs, quelques vns de la Compagnie demeurent cinq & six ans en peché mortel, commettans mille sacrileges, sans oser se confesser au superieur & confesseur ordinaire, à cause que le superieur n'en donne la permission, ou s'il la donne c'est avec grande difficulté & avec tant de sortes de demandes & questions, que le seau de la confession court fortune d'estre manifesté.

Qu'ils ne gouernent point les suiets par le

moyen des confessions. Et qu'ils ostét de leurs statuts certaines parolles qui disent, qu'il faut rendre compte aux superieurs en cōfession ou en secret, à fin de les pouuoir mieux regir: car cela engendre scandale.

Qu'ils prennent la bule de la croisade, & cela leur serue pour auoir absolution des cas reservez: d'autant que les superieurs leur font entendre qu'elle ne leur sert de rien pour cela: ce qui fait qu'ils ne se soucient de la prendre pour les indulgences. Et ce pendant est à noter que plusieurs superieurs & Docteurs en Theologie mesme des principaux prennent la bule pour soy & pour les confessions, & toutesfois ils disent aux simples & petits qu'ils ne la doivent prendre pour cela, qui est proprement ce qui est dict des Pharisiens, *Imponant onera*, &c.

Qu'ils n'obligent personne à faire Confession Generale de six en six mois, ou d'en en an, pour ce que c'est vne charge trop dure, & le peché estant vne fois biens confessé, on n'est plus obligé à le confesser d'auantage.

Que si iamais les Confesseurs d'une maison ne soient Conseillers, pour ce que si on vient à leur demander conseil en quelque cas pour donner Office ou charge, & là dessus donnent quelque aduis qui interesse tant soit peu, on vient aussi tost à presumer mal du subiet dōt il est question. Ce qu'estant cognu, comme tous ceux de la Compagnie le peuuent fort bien scauoir, on faict grande difficulté de se confesser à telles gens. Outre cela, cōme ils ne gardēt pas

la correction fraterne n'y l'ordre iuridique à chastier, il arriue que quand quelques vns sont en bonne reputation, & qu'ils viennent à tomber en peché mortel, ils n'osent en aucune façon s'aller confesser, voyans que toutes les aduenuës leur sont fermées, & que s'ils se confessent, se seroit le moyen de descouurir leur confession: ce qui les ruineroit, comme il est arriué à plusieurs, iusques là qu'il y en a qui ont dit qu'ils aymoient mieux se mettre en hazard de damnation que de se confesser aux superieurs.

Que le Seau de la confession soit gardé, ainsi que Iesus-Christ & son Eglise le commandent.

Pour la correction Fraternelle.

Que la correction s'observe comme elle est couchée en l'Euangile, & exposée par les saints Docteurs, & soit osté cet article de la regle de la Compagnie, qui dit, *Que chacun soit content que les fautes & erreurs qui auront esté remarquées en luy, soient manifestées par qui que ce soit qui les sçache hors la Confession: afin que delà on n'infere pas, que l'on puisse auoir recours aux Superieurs avec le peché mortel secret, en disant que par cet article on a renoncé au droit & obligation de la correction Fraternelle.* Car iamais personne n'a entendu cela en entrant en la Compagnie, ny que les paroles de l'Euangile se doiuent reduire à ceste regle, si elle n'est conforme à iceluy. Et delà il arriue que plusieurs perdent leur honneur contre leur intention, & se tiennent vilainement trompez, ce qui trouble la paix, & engendre des enuies &

haines mortelles. Que l'on garde le secret naturel selon l'exposition des saints Docteurs & de tous les scholastiques, pour ce que en la Compagnie on n'en tient aucun compte.

Qu'au chastiment soit gardé l'ordre iuridique avec charge & descharge, comme il se fait en toutes les religions & Estats du monde: Car le contraire de cela est cause de la perte & ruine de plusieurs sans leur faute, & ce par tromperie, ou autrement.

Que l'on se trouue aux processions Generales, & qu'ainsi le peuple soit edifié par humilité, comme il se fait és autres Ordres, pour ce que l'on a remarqué quand il se fait vne procession solennelle, plusieurs d'entr'eux les vont voir secrettement, en des fenestres & ialousies: & puis qu'ils les peuuent voir en secter, il n'est pas inconuenient qu'il les accompagnent en public.

Qu'il y ait certains confesseurs particuliers pour les pauvres: car le peuple se plaint grandement que l'on ne reçoit que les riches & les Grands.

Que les donations que feront les Nouices, ne soient point avec communion reseruée au Pape, & n'ayent force que le temps qu'ils demeureront en la Compagnie, & en faisant les vœus & la profession, qu'ils ne puissent tenir benefices, ny iquir des droicts d'aisnesse, pour ce que delà s'en suit de notables incôueniēs.

Qu'auant qu'entrer en la Compagnie, suiuant l'Ordonnance & Decret du Pape Gregoire en son extrauagante on les aduertisse clairement

afin qu'ils n'en ignorent rien : Car si cela ne se fait, il arriue qu'apres plusieurs années ils trouuent des difficultez à quoy ils ne veulent s'obliger, & se plaignent d'auoir esté deceuz en cela, faute de leur auoir donné à entendre : ce qui les fait viure sans plus se soucier de rien & comme perdus & abandonnés : de sorte que plusieurs en sortent, comme il se voit tous les iours, & les vns se marient & ont des enfans au grand scandale de toute l'Eglise: les autres estant Prestres souffrent beaucoup de necessitez & miseres pour auoir toute la Societé contraire: Dieu veuille remedier à tout.

LETTES DIVERSES
*des Indes Orientales escrites par
 les Peres Iesuites & autres de
 l'Ordre de S. Francois, traduities
 du Portugais.*

PAX CHRISTI,

Nous sommes tous en grand tristesse en ceste Prouince, pour n'auoir eu en ceste année de 1608. aucunes lettres de la Prouince de Portugal, ny de nostre Pere General, d'autant que de quatorze nauires qui sont partis de Portugal, il n'y en a eu qu'un qui soit arriué à ceste coste, & encores a esté pouruiuy de telle

orte par treize nauires Holandois iusqu'à la
 sbare ou rade de Goa, que ceux de dedans apres
 s'estre sauuez dans de petits vaisseaux avec tou-
 res leurs marchandises & argent, l'ont mieux
 aymé brusler eux-mesmes que le laisser au pou-
 uoir des ennemis: ce qui a esté cause que nous
 n'auons eu aucunes lettres ny nouuelles, sinon
 qu'en general nous auons sceu seulement que
 dans le vaisseau du vice Roy, qui n'est encore
 artiué, viennent quelques vns de nos Peres.
 Ce retardement du vice Roy apporte vn
 grand preiudice à tout cet Estat qui est enui-
 ronné de tous costez d'ennemis puissans. Et
 d'autant qu'on apreste icy vn Galió pour Por-
 tugal, dans lequel s'embarquera à ce mois de
 Decembre vn de nos religieux appellé le Pere
 François, qui va a Rome pour estre Procureur
 de ceste Prouince, & qui vous portera nouuel-
 les, ie ne feray ceste-cy gueres longue, sinon
 pour vous dire quelques particularitez arri-
 uées qui m'ont donné suiet de vous escrire, en-
 core que ie l'aye desia faict par deux fois ceste
 année. Je vous diray donc qu'en la partie de
 Chaldée qui s'estend depuis Babilone iusqu'au
 destroit de Bacoram, où le fleuue Eufrete s'en-
 bouche en la mer de Perse, Il y a grand nom-
 bre de Chrestiens que l'on appelle de S. Iean
 Baptiste, subiects d'un Roy d'Arabie appellé
 Cayd Morabeca, & desirent fort de s'vnir avec
 l'Eglise Romaine, & d'auoir quelqu'un qui les
 instruisse, & leur monstre leurs erreurs, qui doi-
 uent estre grandes, veu le long temps qu'il y a
 qu'ils sont separez d'icelle. Ils ne sont pas seu-

lement là, mais ils vont encores en Mesopotamie & autres Prouinces proches. Et ces Chrestiens avec leur Roy Morabeca sont fort molestez par les Turcs, qui tiennent yne forteresse en ce destroit de Bacoram. Quelquesfois mesmes ils ont avec leur Roy enuoyé des Ambassadeurs à cest Estat, pour demander secours de vaisseaux de guerre au nombre de dix seulement, qui seroient suffisans pour passer certain endroit de ce destroit, & en chasser du tout les Turcs. Ce qui seroit facile, & de tres-grande importance pour cest Estat, d'autant que leur Roy veut demeurer suiet des Portugais, & leur mettre en main la forteresse. Surquoy le Gouverneur n'a rien respondu encores, & y a apparence qu'il n'en fera rien. Car ils m'ont escrit & me prient de donner faueur à leur Ambassadeur pour pouuoir parler au Gouverneur, & que l'on leur enuoye des Peres pour les instruire en la foy qu'ils desirent professer. Ce que i'ay toutesfois différé de faire, pour ce que les Peres de S. Augustin tiennét quasi pour l'heur ceste Prouince de Perse & de Chaldee, où ils vont & viennent, mais iusqu'à maintenant sans y auoir rien fait encores, pource qu'ils n'y font pas grand seiour: Et ce qui importe le plus en telles entreprises est la patience & perseuerance, & se resoudre à demeurer là pour tousiours, comme nous autres de la Compagnie faisons. Aussi ces Chrestiens là ne nous quittent iamais, & demandent tousiours des nostres, mais iusqu'icy ie n'ay rien fait pour eux, à cause que nous aurions necessairement

affaires à ces Peres Augustins qui s'y oppose-
roient, & en ces parties si esloignees du S. Sie-
ge Apostolique, il n'y auroit pas d'apparence
d'entrer en ces contentions. Ces Chrestiens
voyans donc que de ces parties l'on ne leur
donnoit aucun secours, ils ont pris aduis &
conseil de quelques Portugais qui ont trafiqué
en Chaldée, l'un desquels est vn André Percy-
ra qui a seruy long tēps sa Majesté en ces pays,
& par qui j'ay escrit vne autrefois à vostre Re-
uerence, & vn autre nommé Philippe de Mor-
nello Gentilhomme Espagnol, qui a tousiours
vescu & procedé pardeça avec grand hon-
neur & reputatiō, & est venu de Chaldée avec
ces Ambassadeurs en ceste ville, estant porteur
de ces lettres: & ainsi ils ont deliberé de cher-
cher le remede à la source mesme, & se sont re-
solus pour le meilleur & plus asseuré d'enuoyer
vn de leurs Euesques pour Ambassadeur au S.
Pere, pour luy prestter l'obedience, & de là à sa
Majesté Catholique pour impetrer d'elle la fa-
ueur & secours nécessaire pour leur reduction,
pour laquelle il importe grandement de chas-
ser de là quelques Turcs qui y sont en petit nō-
bre: & sans doute il semble qu'on le leur ac-
cordera. Car outre qu'en ceste entreprise il y va
beaucoup de la gloire de Dieu & de la Courō-
ne de Portugal, elle sera encor de grande im-
portance pour tout cest Estat. Car le secours
qu'ils demandent est de peu de frais, d'autant
que cinq cens hommes en dix ou douze vais-
seaux peuuent faire tout cet effet qu'ils preten-
dent. C'est André Pereira & Philippe de Mor-

nello qui leur ont donné ce conseil, desirant la faueur de vostre Reuerence, & sont venus icy de leur part pour me prier vous en escrire pour les assister par delà vers sa Maiesté & son Conseil. Ils meritent cela, car ce sont gens d'honneur, & qui affectionnent beaucoup nostre Compagnie: & mesme Mornello en qui sera tres-bien employée la faueur pour le grand zele qu'il a enuers nous: & y a trois ans entiers qu'il est icy pour cela. Je ne sçay pas qui pourroit traicter cest affaire avec plus de ferueur, & sans pretendre autre chose que la gloire de Dieu & le bien de ces pauures Chresttiens. Ces deux hommes sont partis de ceste ville par diuerfes voyes, & tous deux vont pour estre compagnons de l'Euesque, & ont intention de représenter à sa Sainteté qu'en tout cas il luy plaise nous commettre ceste charge, eu esgard que ceux de nostre Compagnie sont plus propres pour ceste entreprise, en excluuant par brefs Apostoliques tous autres Religieux quels qu'ils soient, qui se voudroient entreprendre en cest affaire. Pour ce i'en escriis à nostre Pere General, à ce que suyuant cela il fauorise en tout ce qu'il pourra la bonne volonté & intention de ces hommes là, en chose si importante à toute nostre Compagnie, & principalement en ce qui est de l'impetration des brefs de sa Sainteté, pour empescher tous autres Religieux d'entrer en part avec nous en cest affaire, puis que nous auons desia experimenté ces Chresttiens, & qu'eux aussi ne demandent que nous.

Pour les nouuelles que ie puis donner à vostre Reuerence, touchant ceste Prouince en ce qui est de nos Colleges residences & maisons elles sont bonnes Dieu mercy : & vous diray, outre ce qui va par l'annuelle du Galion, que Dieu s'est seruy grandement de nous selon l'ordre & obligation de nostre Institut. Nostre Compagnie est bien receuë & estimée par tout, ainsi qu'elle a tousiours esté. Pour le regard de la mission de Mogor, nous auons nouuelles que nos peres s'y portent bien & sont fort bien venus pres du nouueau Roy qui a succédé depuis trois ans à son pere Acabar, comme vostre Reuerence pourra voir beaucoup plus amplement par l'annuelle du Galion. Nous attendons tous les iours le Pere Marc D'opinheiro qui vient avec vn Ambassadeur que ce Roy enuoye icy, s'il arriue auant le partement du Galion ie vous donneray aduis de tout. J'ay eu des lettres & nouuelles fresches, (escrites en Iuillet 1608.) de cinq de nos peres de la residence d'Etiopie, comme vous verrez par vne longue lettre qu'ils m'ont escrit de là dont ie vous enuoyeray la copie par l'annuelle de Noel. Et certes, ie vous diray, que nous auons esté fort marris de sçauoir comme vne si ancienne Chrestienté, qui est depuis le temps des Apostres, s'est si mal conseruee, car elle est infectée de mille sortes d'erreurs. J'espere avec la grace de Dieu que ceux de nostre compagnie seront l'instrument & le moyen pour les reduire à la vraye foy de l'Eglise Romaine, de quoy l'on peut auoir grandes espe-

rances, & Dieu commence à nous les donner desia, d'autant que l'Emperur de ce pays là le desire & procure fort, mais il n'ose encores le mettre en effect pour la crainte du souleuement des siens qui sont fort aylez à se rebeller. Et comme il est homme fort prudent & sage, à ce qu'ils disent, il en escrit à sa Sainteté & à sa Maiesté: i'enuoye à vostre Reuerence la copie de ses lettres par le pere Pierre François. On dit mesme qu'il veut enuoyer vn Ambassadeur à sadiete Sainteté avec vn des nostres qui est là, & si Dieu luy donne vie & le conserue en l'Eglise, on peut iuger par les indices, qu'il ne manquera de le faire. A quoy pourra ayder beaucoup si l'on descouure quelque chemin par les lettres de Melinde, comme il y a apparence qu'il y en a selon la cognoissance que ces peres la en ont, & qu'il y va des Carauanes par ceste voye là. Mesme ceste année ie pense enuoyer deux peres à Melinde, dont le Roy est fort nostre amy, pour essayer s'ils pourront trouuer ce passage, qui seruira de beaucoup à l'auancement de la Religion en ces pays là, par le moyen des peres qui y sont, & des enfans des Portugais qui y passerent autresfois avec Dom Christofle de Gama, & d'autres Chrestiens abissins Catholiques, qui ne manque pas à en reduire beaucoup des schismatiques, dont y en a desia plusieurs qui sont fort esbranlez. Ces peuples sont fort affectionnez en nostre endroict, & fort contents du proceder de nos peres avec les Catholiques, & confessent ingenuement que

leurs Religieux sont en grande erreur, & qu'il
 ny a rien qui sur tout les confirme tant que
 la bonne vie que nous menons, qui accuse &
 condamne entierement celle des leurs, de
 sorte qu'il y a apparence que cela les pourra
 reduire de leurs erreurs. Dieu par sa grace
 nous vueille ouvrir le chemin pour ce qui est
 de la gloire de son nom en ces quartiers là. En
 la Prouince de Malabar dont nostre principal
 College est celuy de Cochin, il y a moins
 de paix & de tranquillité, que non pas icy à
 Goa où tout est fort paisible. Car depuis le
 departement des Nauires de l'an passé, où
 estoit le pere Nicolas Spinola, par lequel vo-
 stre Reuerence aura sceu en quel estat estoient
 nos affaires avec l'Euesque de Cohin, enco-
 res que l'Archeuesque Gouverneur & les
 Officiers du Parlement de Goa ayent inter-
 posé leur auctorité par lettres enuoyees à l'E-
 uesque au nom du Roy pour surseoir tous
 les differends qui sont entre luy & nous, tou-
 chant les Eglises de Pescaria (que nos peres
 ont administrées tousiours depuis plus de 60.
 ans en ça,) iusques à ce que sa Majesté en fut
 informée : Toutesfois nonobstant celal'Eues-
 que se laissant transporter à sa passion, est venu
 avec vne armee de quatre ou cinq Galiotes
 remplies de Soldats, vagabons & pillars, à ses
 propres cousts & despens, ou plustost à celuy
 de nos peres, qu'il auoit condamnez en pei-
 nes exorbitantes, & est entré hostilement
 dans la Pescaria où il a commis mille choses
 insolentes & indignes d'un Prelat Capucin &
 aagé

âgé de plus de 70. ans. Et ce qui nous donne plus de creue-cœur en cela, est que iamais l'Archeuesque Gouverneur ne s'est soucié d'y donner l'ordre qu'il pouuoit & deuoit. Surquoy vostre Reuerence pourra considerer le grand preiudice que toute ceste action est pour apporter à tous les Chrestiens de deçà, en esgard mesmement qu'ils sont si esloignez de sa Saincteté & de sa Majesté, & que la Iustice de deçà se conduit que par respects & interrests entierement humains. Et c'est vne chose estrange à considerer combien les Peres de nostre Cōpagnie ont souffert de cest euesque, & le grand interrest & dommage que cela a apporté à toutes les eglises que nous tenōs en cest Euesché, au nombre de plus de 80. qui y font vne tref-grande perte spirituelle. Ce que l'Euesque ne considere pas assez comme il deueroit. Pour ce qui est des Chrestiens de la Serre ou de la Montagne, il y a graces à Dieu vn plus grand repos entr'eux, encor qu'ils soient proches de Cochī. Aussi ont ils vn Euesque qui nous aime, & monstre vn grand zele à aider nos Peres en l'Instruction qu'ils font, & a esté biē aise du Břef de sa Saincteté que sa Majesté luy a enuoyé pour pouuoir chāger le siege de l'Eglise Cathedrale à Cranganor, où il est desia avec plus de commodité, pour estre l'vne de nos forteresses, comme ceste annee l'on a esprouuē. Mais l'euesque de Cochī, de qui ce lieu de Cranganor a esté desmembré, comme dependant de Cochī n'y a fait aucune resistance, sinon qu'il dit qu'estant de retour de Pescaria à Cochī, il viendra à Cranganor faire

re le Cresme & autres fonctions episcopales. Ce que nous ne doutons point qu'il ne face, pour estre fort sujet à la passion de sa colere, mais aussi nous craignons qu'y allât il ne face quelque chose mal à propos, d'autant que ceux du pays sont fort determinés & affectionnēt fort leur Prelat, pour l'honneur duquel ils mourroient fort volontiers. Je prie nostre Seigneur qu'il luy plaise mettre la paix par tout, & reprimer la puissance du diable seul autheur de tous ces scandales & desordres, n'y ayant partie où il ne seme la zizanie.

Quant à la Chine, il n'y manque pas aussi occasion de merite pour la persecutiō que nous y auōs de la part de l'euesque qui est Religieux Dominicain, & ayant demeuré en ces lieux là quelques annees auant qu'estre Euesque, il s'est tousiours monstré fort contraire aux affaires de nostre Cōpagnie : aussi quād nous le vismes paruenir à ceste dignité, nous iugeames bien quel traictement il nous feroit, de sorte qu'aussi tost qu'il arriua là sans autre sujet que de la mauuaise volōté qu'il nous portoit, il fit notifier à tous ceux de nostre College qu'en façon aucune nous n'eussions à nous mesler de la predication, ni mesme en nostre Eglise. Surquoy ayant consulté ensemble, & recommandé cet affaire à Dieu, tous les peres se sont resolus de ceder à sa passiō, eu esgard aux choses desordonnes qu'il fait, comme vous pourrez voir par les lettres de ce païs là. Parmi toutes ces desordres il venoit vn Pere de la Chine en ce païs, ie ne sçay si en intention de passer plus auant iusqu'en Portugal, mais s'estant mis en

vne Galiote de huit qui estoïent parties ensemble, la tourmente les a tellement acueilliz au goulfe d'Aynaon, que celle où ilestoit s'estant separee des autres, on ne sçait qu'elle est deuenüe, depuis n'ëa on eu nouuelles, il s'appelle le P. François Naturel de Cortisada, qui vint de Portugal dès l'an 1592. Pour les nouuelles de l'estat chacun est fort triste, & desconforté pour le trop long retardement de la venuë du Viceroy avec vne armee de secours, à cause que les Holandois se rendēt quasi maistres de la mer, sans que personne leur resiste, & cest an mesme le 17. de septembre, ils sont venus avec 13. Nauires surgir iusqu'a la bare de Goa, sans qu'on les en ayt peu empescher; Ce qui a esté cause que les nostres mesmes ont brulé le Nauire Oliueira, cōme on a fait pour le mesme suiect à Mizanbique, d'un autre qui hiueroit là de l'armée de don Hierosme Contina. Voila ce qui est des affaires de la Compagnie, me remettant du reste des autres particularitez à la plus ample relation qui ira dans le Gallion annuel, & sur ce ie me recommande à vos bonnes prieres.

De Goa ce 18. Decembre, 1608.

Gaspard Fernandez.

Autre Lettre.

PAX CHRITI, IESVS.

Il me semble qu'estant en ceste Cour pour les affaires de la Prouince de Sud ou Midy, ie

D ij

uis obligé à rendre conte à vostre Reuerence de tout ce qui s'est passé depuis le partement du Pere Nicolas de Spinola, qui fut l'an passé pour se plaindre à sa Maiesté de la violence que nous faisoit Monsieur l'Euesque de Cochinchin, lequel persecute & calônie ouuertement toute nostre Compagnie, en luy mettant sus mille faulxes imputations, mais nous espérons qu'avec le temps Dieu fera voir clairement nostre innocence à tout le monde, & que à ceste heure ledit pere sera non seulement arrivé à bon port, mais mesme qu'il nous viendra quelque bonne despeche de la Cour de sa Maiesté, ou pour le moins résolution & congé de nostre pere General pour laisser tousces Chrestiens de deçà, puisque tout le service que nous y pouuons rendre ne sert qu'à nous faire perdre d'auantage nostre credit & reputation. Car l'affaire que nous auôs icy est passée beaucoup plus auant que vous ne sçauriez imaginer. Au reste ceste lettre va par la voie de quelques Portugais, qui accompagnent les Ambassadeurs de Bombareca, qui sont venus icy pour demãder quelques Peres pour instruire les Chrestiens qu'ils appellent Ioannites, avec secours pour chasser les Baschas Turcs leur ennemis qui sot en leur destroit. Vostre Reuerence pourra estre informée par le Pere Spinola de tout le commencement de ceste nostre affliction qui a esté là plus grãde que nôtre Compagnie ayt encore eue: & continuë tous les iours ledit sieur Euesque de Cochinchin en sa violente passion contre nous. Car environ le commencement du mois de Feburier de l'an

1608. ila esquipé quatre Vaisseaux vers la Coste de Pescaria pour à force d'armes en chasser les Peres qui par plus de 60. ans auoiēt cūtiué & procuré l'auācemēt du Christianisme en ces cartierslà, où auoit esté la premiere instructiō de nostre bien heureux pere François Xavier. Là ledit sieur Euesque a fait comettre telles insolēces, cruautez & brigādages parmi ces patures gens qui obeissoiēt aux peres, que iamais les Empereurs payens & infidelles n'en firent d'auantage aux premiers Chrestiens. Il voulut du commencement se saisir du principal lieu du pais qu'ō appelle Pernicale, où il fut parmer avec force vaisseaux cōmādez par vn Cordelier nommē frere Pierre de Bētacor, hōme tresmeschāt, & par terre il fit venir force Mahometās & Idolatres du pays, sans qu'il en fut grād besoing, puis qu'il y est entré sās peine & résistance. Apres il prit prisonnier le Pere Pierre Ayres personnage d'insigne vertu & pieté, & de tres-grand merite & reputation en toute ceste coste : & non content de ce la retenu trois iours ainsi iusques à ce qu'il luy ayt mis entre les mains tous les ornemēs de l'Eglise: puis a chassé tous les autres de nos Eglises & maisons, & de la Forteresse de Manar, & principalement de la Carcel, qui est vn tresbon lieu, lequel nous auions accōmodé à nos despens, & auions fait vne Eglise & maison d'ice-luy : il en a fait sortir les nostres qui se sont retirez plus de cinq mois y a en vn lieu planté de Palmiers, là où encore il ne leur auoulu permettre de dire Messe, le iour de Noel mesme: Et nos Religieux y ayans fait cōme vn petit cou-

uert de paille en façon d'Hermitage, pour y celebrer, l'Euesque la enuoyé rompre par ses Prebſtres, diſant que par nos meſchancetés & mal-ſaçons nous auions perdu tous nos priuileges & fonctions. Outre ce à ſon inſtance & priere, Patāgatin, qui eſt vn negre de Peraua & l'vn des principaux Seigneurs de toute ceſte Coſte, a eu l'audace de chaffer tous nos Peres de Viriā, Petenā, & Mēaiar qui ſont de fort bons lieux & biens grands, & les a fait embarquer par force avec mille ſortes d'outrages & paroles iniurieuſes & ſcandaleuſes, ſans leur vouloir meſme laiſſer prédre leurs Breuieres & mâteaux, commandant qu'on les menaſt en vne Ile deſerte. En fin l'Eueſque eſt maintenant Seign. & Maiſtre de toute la Coſte, excepté de deux places Vaypar & Mantar qui ſont encores à nous & tiennent la main & obeiſſance à nos Peres. Tous les noſtres eſtās chaffeſſe ſont retirez au College de l'Ile des Roys, & eſt impoſſible de raconter toutes les faſcheries & vexations que pour ce ſuiect eſt Eueſque, a fait à tous les peuples qui nous rēdent obeiſſance, iuſques à les declarer meſme Excommuniez, leur prendre leurs enfans, & leur oſter toute ſorte de commerce, negotiation & embarquemēs. Par les dernieres lettres que auōs receuēs de ces cartiers la, nous auōs eu aduiſ que ledit Eueſque a maintenant quatre Tours & cloches avec de grandes forces, pour à forces d'armes ſe rendre maiſtre des deux places ſuſdites & de l'Ile des Roys, avec reſolution de razer le College & la fortereſſe

qui y est : & y a apparence qu'il en viendra à bout, puis qu'il n'y a personne qui s'oppose à sa fureur. Et d'autant que la pesche de Perles se doit commencer le mois qui vient, qu'elle ne pourra se faire à cause de tant de troubles & diuisions, l'Euesque a escrit force memoires contre nous, publiant mille mesonges & faussetez, à sçauoir que nous luy faisons la guerre, & que c'est à nostre occasion que la pesche ne se fait point à Pescaria. Surquoy nous auons trouué bon de faire vne Requeste au nom du Prouincial de la Prouince de Sud, par laquelle nous disons que pour le bié de la paix & pour remettre Pescaria, dont le commerce importe au Roy & à cest Estat plus de 200. mil escus par an, nous sommes prests de rendre toute obeissance au sieur Euesque de Cochin (car c'est là le point sur lequel il se fonde principalement en tout cet affaire) & d'oublier tout le passé, iusques à ce que sa maiesté soit informée de tout, & que nous en ayons vne entiere resolution de Rome: cela toutefois moiennant que cependant on nous remette en possession des Eglises & biens dont nous auons esté chassez & depouillez. Nous auons fait cela afin que l'on recognoisse les finesses & ruses del'Euesque qui pretend nous diffamer enuers sa sainteté, en donnant à entendre que nous voulons vsurper la iurisdiction des Euesques: & enuers le Roy en nous imputant que nous sommes cause que sa Maiesté perd la pesche de Perles de Pescaria.

Voila mon Pere l'estat present auquel sont

nos affaires. Mais ce qui nous a donné plus de desplaisir en toute ceste affliction, est de ce que Monsieur l'Archeuesque Gouverneur de Goa n'a tenu compte d'y donner ordre, & a fait la sourde oreille à toutes nos plaintes & supplications : ains a tasché plustost de dōner contentement en tout cela à l'Euesque, bien que en apparence il dict qu'il n'approuue aucunement ceste façon de proceder pour la cōseruation de la iurisdiction. Mais c'est bien la verité si du commencement il y eust voulu donner l'ordre qu'il pouuoit, les choses n'en fussēt pas venuës aux termes où elles sont. De sorte que tout le mal nous est arriué de l'euesque comme auteur, & de monsieur le Gouverneur comme protecteur & defenseur. Je pourrois dire beaucoup d'autres choses là dessus, mais le papier ne le pourroit pas permettre & *non omnia licent per atramentum*. Or tout ce que nous desirons & pretendons en ce fait de la Cour, est que sa maiesté nous accorde la sollicitude & administration des Eglises de Pefcaria : ce qu'elle peut faire tant par droict de patronnage & de presentation, que comme deleguez du S. Siege en tous les pays de deçà ce dont toutesfois quelque vns doutent encores. Quesi nous auons la permission d'administrer le Christianisme en ces lieux-là, il faut que ce soit avec toute autorité & iurisdiction, comme nous auons eu iusq. à maintenant. Car d'autre façon avec des Prestres seculiers & des Moines nous ne pourrions faire chose qui vaille. Que si sa Maiesté n'en veut rien faire, nous la supplions de nous descharger

charger quant & quant tant cela que de tout le reste, mais il faut attendre la resolution de nostre General; selon laquelle vous pourrez negocier toutce qui sera necessaire pour le bien & auancement des ames Chrestiennes: mais sur tout ayant esgard principalement à l'honneur, credit & reputation de nostre Compagnie qui en est assez descheuë par deçà, par ces euenemens passez. Ce pendant il y a deux choses que la Maiesté a suiet de reprendre en cet Euesque, l'vne de ce qu'il n'a iamais voulu cōsentir que les affaires demeurassēt en surseance iusques à ce que nous eussions eu respōce de sadite Maiesté: l'autre des grandes insolences & desordres qu'il a commis en toute sa procedure. Dieu par sa sainte grace nous veuille donner ce qui sera necessaire pour son saint seruice, & patiēce pour souffrir tāt d'afflictions & tourmens suscitez par l'enuie du Diable. Je me recommande au saint sacrifice de vostre Reuerence.

De Goa ce 18. Feurier, 1609.

ANDRÉ REARES.

LETTRE DE MADRID

*escriptes par vn Pere de Saint
François.*

E

AV Reuerend Pere Gardien du Conuent de la Madrede Dios à Goa en l'Inde Orientale: Celuy qui luy rendra la presente, sera s'il est besoin assisté de sa faueur enuers le Viceroy: Et s'il faut paier le port on le cōtentera fort bien: Car ie le mande ainsi: & ceste lettre est de consequence & importe grandement pour le seruice de Dieu qu'elle soit rendue seurement audit Pere Gardien.

PAX CHRISTI.

I E me recommande à la sainte benediction de vostre Reuerence, & vous auertis par ce Recy que i'ay acheué l'affaire de mō sieur l' Euef que de Cochin selon son desir: on a ordonné que toute sa iurisdiction luy soit rendue, que les peres Iesuites soiēt priuez de toute temporalité, & spiritualité, & de la forteresse & armes, que tous les biens & argent pris soient rendus à ceux à qui ils appartiennent, que les estrangers d'entreux retournent en Portugal, & quelques Portugais aussi, que par de là ira vn luge ou Cōmissaire pour chastier quelques particuliers, & faire vne reprimende à l' Archeuesque pour s'estre monstré si lasche & negligent en tout cet affaire. Et autres choses en suite qui seroient trop lōgues à raconter: d'auantage ceux du Cōseil me faisans courir trop long tēps sur ce subiect, i'ay supplié sa Maiesté qu'il luy pleust me donner des luges particuliers, & elle me l'a accordé. Ce qui a estonné

tout le monde, que cest affaire ait esté ainsi tiré des mains du Conseil. Nostre Cômmissaire tenoit auparavant cela comme impossible, & l'Euesque de Canarie mesme, qui est l'un des iuges, me dit que cela ne se feroit iamais: mais ie puis dire que par trauail & diligence on vient à bout de tout.

Frere Iacques de sainte Marie.

Pour les affaires de nostre Ordre, l'ëaytres bône esperance. Car elles se doiuent traiter avec ceux du Conseil & nostre General. Ie pars presentement pour aller à Lisbonne, afin de dōner ordre à ce qui sedoit faire. Le grand Aumosnier du Roy m'a fort fauorizé, & me fauorize encores en toutes choses. Vostre Reuerence luy peut escrire sur ce sniect pour l'en remercier. Sur tout ie vous prie que cest affaire ne soit communiqué à beaucoup de personnes. Le Pere Iean est desia party: Dieu le veuille conduire à bon port. Il a fait ce qu'il a peu, mais les affaires demandent plus d'industrie que de zele & de courage, dont il ne manque point. Vous ferez s'il vous plaist payer aporteur de la presente ce qui luy sera besoin, aux despens de Monsieur l'Euesque qui sera plus content de ceste bonne nouuelle que de tout le reste du bien du monde. Ie me recommande à vos bonnes prieres enuers Dieu, dont i'ay grand besoin, & qu'il me face la grace de retourner mourir en ceste maison où vous estes.

Frere Iacques de sainte Marie.

A Monsieur l'Euesque de Cochin.

IE me recommande à la sainte benedictiõ de vostre Seigneurie. Apres vous auoir escript par les vaisseaux à quatre diuerses fois, le l'ay fait derechef par autãt d'autres voyes. Mais de ces lettres les vnes ne sont pas arriuees à tẽps, les autres n'ont pas estẽ rẽdues par negligence & oubliance. Ce qui m'a donnẽ vn grãdissime desplaisir. Par mes prieres ie vous mandois la grande peine que i'ay eu à faire venir vostre Procez en Espagne: & par les autres qui ne lõt pas encores arriuees, ie vous escriuois les moyens dont i'ay vñẽ pour le faire vider: & comme apres auoir estẽ veu au Cõseil d'Estat ie l'ay fait renuoyer par deuant des Iuges particuliers, qui ont estẽ le Confesseur du Roy, & l'Euesque de Canarie qui est nostre General, tous deux grands seruiteurs de la Compagnie, & qui ont grande enuie de la reformer: avec eux estoit encore le Confesseur de la Royne qui est Religieux de la mesme compagnie, & que tout expres l'on a voulu faire vn de nos iuges & commissaires, afin de luy faire recognoistre les vertus & merueilles que ceux de la Societẽ operent es Indes: dont il s'est grandement estõnẽ, & eut volõtiẽrs d'ẽdire que l'on n'eut point adioustẽ de foy à cẽ que les pieces du procẽs portent si clairement; & mesme il fut d'avis en la consultation, que de nouveau l'on en informast plus particulièrement par vn

Religi. de l'Ordre, ou autre que l'ô voudroit. Ce qui scandalise fort les autres, & dōne plut de creance aux pieces du proces, à cause qu'ils y recognerent la verité si manifeste, qu'aucun Juge du monde n'en a peu douter : de sorte qu'ils dōnerent leur sentence cōforme à ceux du Conseil, en la forme & teneur que s'ensuit, selon que j'ay appris de nostre Pere General, & ainsi que j'ay desia dit cy dessus, à sçavoir.

Que les Religieux de la Compagnie rendēt à voire Seigneurie toute la iurisdiction tēporlle, & à sa Maiesté la siēne. Que d'oresnauāt ils n'ayēt plus à tenir aucune sorte de iurisdiction tēporlle ni spirituelle, qu'ils ne se meslent plus de predication. Qu'aucuns estrangers ne passent plus es Indes, que ceux qui y sont en reuiennent. Qu'ils restituent les biens & argēt qu'ils ont à ceux à qui ils appartiēēt. Que la forteresse, armes & nauires qu'ils ont leur soient ostez. Que par delà aille vn Juge & Commissaire de leur Ordre qui soit Portugais, pour chastier les delinquans ; Que le Recteur & le Prouincial de la Compagnie, comme Autheurs & ouuriers de toutes ces merueilles, soient mādēz à venir en personne. Les douze Italiens qui sont partis ceste annee, ont esté cōtremandez de n'y aller pas, mais la despesche en a esté enuoiee trop tard : à cause que la consulte fut acheuee le dix-neufiesme Mars le iour de S. Ioseph ; & les vaisseaux partirent le vingt-deuxiesme. Avec tout cela j'ay receu tant de desplaisir & de travail en tout cest affaire, que veritablement, si ie n'eusse eū

que faire d'avantage: ie me fusse mis tout à l'heure en chemin par terre, & ne suis pas encores beaucoup eslongné de le faire, Et si à la venuë des vaisseaux il ne m'arrive quelque autre chose de nouveau, & que le reste de l'affaire de Cochin soit acheué il n'y a point de doute que ie partiray aussi tost.

Il reste encore quelques autres choses à résoudre, comme entr'autres, Que les Religieux ne se mellét en aucune façon de la marchandise, & que pour cest effet on ait des briefs de sainteté pour les excommunier s'ils sont tels.

Qu'ils ne puissét avoir ny posséder par aucune maniere, cause & pretexte que ce soit les rentes & reuenus du Roy, ni les sujets de sadite Majesté ne les leur puissent mettre entre les mains.

Quât à l'affaire de la Chine, ie pense que tout se terminera selon qu'il conuiét au service de Dieu & de sa Maiesté, & qu'il y aura commandement de rendre l'argent à qui il appartient. Cependant ie vous diray que ie suis si las & fatigué de corps & d'esprit, que ie ne scaurois à grand peine vous l'exprimer par paroles, Je me prepare pour aller à Lisbonne, pour donner ordre au reste de ce que vostre Seigneurie me recommande pour les affaires de l'Ordre, dont j'ay tresbonne esperance, selon ce que j'en ay traité avec le pere General, & avec le premier definiteur, qui est le Commissaire des Indes, lequel se monstre estre fort mon amy. Au reste quand le Pere Spinola a veu que l'affaire estoit sorty du Conseil d'Estat de Portu-

gal, & qu'il a perdu toute esperance au desguifement de ses pieces, il s'en est allé à Rome, où nostre Pere General a escrit au Procureur de Cour pour informer la saincteté de la verité de tout, à ce que l'on n'obtiene briefs contraires d'icelle. Le Confesseur de sa Majesté me fait beaucoup de faueur, & me dit que ie m'esforce & qu'il me veut favoriser à m'en aller par terre. Il y a peu de iours que i'ay demeuré avec luy en conference particuliere si long temps, que plusieurs qui auoiēt à faire à parler & negocier avec luy, s'en ennuyoiēt. A la seconde octaue de Pasques, i'ay esté le voir pour luy dōner la bonne feste, mais i'ay esté empêché de parler à luy à cause du Côte de Niebla qui y estoit, & me dit que ie le retourasse voir au iourd'huy, ce que i'ay fait & y suis allé pour prendre Cōgé de luy, mais ie n'ay encore sceu trouuer moyen de le voir: l'espere le faire demain si l'occasions'en presente; Je vous supplie croire que celuy à qui il porte faueur, a la moitié de son affaire faite. Ceste lettre ira vers vous par la voye de l'Ambassadeur de Venize, ou de cemedecin qui a esté esclau en Ceylan, & qui a traité autresfois vostre Seigneurie: il demeure maintenāt à Ormuz, d'où il est venu par terre & par terre y retourne. Dieu le veuille faire arriuer à bon port & donne longue vie à vostre Seigneurie, & à moy me conserue iusques à ce que i'aye eu l'honneur de vous voir. Vous estes fort obligé à nostre Pere Commissaire, & luy ay promis que vous luy enuoyerez vne relique de S. Thomas, & à son secre-

taire vne autre petite. Nostre Pere Reuerendissime prie vostre Seigneurie de luy enuoyer aussi toutes les pieces authentiques. Car il n'y a personne icy qui vous fauorise tant que luy en toutes vos affaires, & les faueurs que vous y auez receuës ont esté par le moyen de l'ordre & de l'Euesque grand Aumosnier, Nostre Seigneur donne à vostre Seigneurie ce que dessus.

De Madad ce 23. d'Auril 1609.

*Vostre bien humble fils & seruiteur
frere Iaques de sainte Marie.*

I'Escris au Pere Gardien de Madre de Dios qu'il paye le port au porteur de la presente Car ie scay que vostre Seigneurie l'aura fort agreable & pour tres bien employé, sa Maieité enuoye faire vnereprimende à l'Archeuesque pour s'estre comporté si froidement & laschement en tout cet affaire, & tous les peres priēt Dieu qu'il n'en arrive autre nouueauté. Car si cela est, les choses sont disposées à de grands travaux & tribulations. d'autant que iusques à ceux de la nouuelle Espagne ils veulent estre informez de leurs actions & deportemens : & m'a-ton dit que l'on doit mander qu'il n'y aille point d'estrangers pour ceste annee. Au reste i'ay vne telle douleur de teste que ie ne puis pas garder vn fort bon ordre en tout ce que ie vous escriis.







